

Samningur milli ríkissjóðs og Akureyrarkaupstaðar um uppgjör lífeyrisskuldbindinga í B-deild Lífeyrissjóðs starfsmanna ríkisins og Lífeyrissjóði hjúkrunarfræðinga vegna hjúkrunarheimilis sveitarfélags.

Akureyrarkaupstaður, kt. 410169-6229, f.h. Öldrunarstofnunar Akureyrar (hér eftir hjúkrunarheimili), kt. 410169-6229, fjármála- og efnahagsráðherra f.h. ríkissjóðs Íslands (hér eftir ríkissjóður), kt. 540269-6459, Lífeyrissjóður starfsmanna ríkisins (hér eftir LSR), kt. 711297-3919 og Lífeyrissjóður hjúkrunarfræðinga (hér eftir LH), kt. 430269-4889, í samningi þessum nefndir lífeyrissjóðir, gera með sér svofelldan samning um tilhögun uppgjors lífeyrisskuldbindinga vegna öldrunarþjónustu sem hjúkrunarheimilið veitir/hefur veitt og fjármögnuð er með daggjöldum úr ríkissjóði.

Samningur þessi byggir á samkomulagi milli fjármála- og efnahagsráðuneytisins, f.h. ríkissjóðs, og Sambands íslenskra sveitarfélaga frá 28. október 2016, um tilhögun uppgjors lífeyrisskuldbindinga í lífeyrissjóðum með bakábyrgð ríkissjóðs eða sveitarfélags. Þá byggir samningurinn jafnframt á tillögu að breytingu á forsendum lífeyrisskuldbindinga milli ríkis og sveitarfélaga vegna hjúkrunarheimila í rekstri frá 26. júní 2017 sem og ódagsettri bókun við samkomulag um skiptingu lífeyrisskuldbindinga vegna hjúkrunarheimila.

1.0 Áfallnar lífeyrisskuldbindingar og sérstök iðgjöld (viðbótariðgjöld)

Samkomulag er um að áfallnar lífeyrisskuldbindingar hjúkrunarheimilisins hjá lífeyrissjóðunum skiptist milli sveitarfélagsins og ríkissjóðs sem hér segir:

- 1.1 Ríkissjóður tekur yfir og ábyrgist 97% af áföllnum lífeyrisskuldbindingum vegna hjúkrunarheimilisins hjá lífeyrissjóðunum eins og þær eru samkvæmt tryggingafræðilegu mati 31. maí 2017, sbr. fylgiskjal 4. Sveitarfélagið greiðir lífeyrissjóðunum 3% hlutdeild sína í áföllnum lífeyrisskuldbindingum. Um greiðslu og uppgjör á hlutdeild sveitarfélags fer eins og kveðið er á um í lið 4.1.
- 1.2 Sérstökum iðgjöldum (hér eftir nefnd viðbótariðgjöld) skv. 5. mgr. 33. gr. laga nr. 1/1997, um Lífeyrissjóð starfsmanna ríkisins, með síðari breytingum, og 5. mgr. 20. gr. laga nr. 2/1997, um Lífeyrissjóð hjúkrunarfræðinga, með síðari breytingum, sem hjúkrunarheimilið/sveitarfélagið hefur greitt af launum starfsmanna sinna til lífeyrissjóðanna, og reiknaðri ávöxtun þeirra til 31. maí 2017, skal skipt á milli sveitarfélagsins og ríkissjóðs í sömu hlutföllum og kveðið er á um í lið 1.1. Uppgjör á hlutdeild sveitarfélags fer fram eins og kveðið er á um í lið 4.1.


Handwritten signatures and initials in blue ink, including a large 'M' and 'W' at the top, and 'B' and 'C' below.

2.0 Lífeyrishækkarnir og lífeyrisgreiðslur

- 2.1 Ábyrgð á greiðslu hækkana á áður úrskurðuðum lífeyri starfsmanna hjúkrunarheimilisins, sbr. 1. mgr. 33. gr. laga nr. 1/1997 og 1. mgr. 20. gr. laga nr. 2/1997, færist frá hjúkrunarheimilinu/sveitarfélaginu til ríkissjóðs 1. janúar 2016, enda hefur komið til uppgjors skv. lið 4.1.
- 2.2 Séu lífeyrishækkarnir eftir 1. janúar 2016 í vanskilum yfirtekur ríkissjóður ábyrgð á greiðslu þeirra. Ef um er að ræða eldri vanskil lífeyrishækkana hjá hjúkrunarheimilinu skulu þau gerð upp af sveitarfélaginu gagnvart lífeyrissjóðunum skv. lið 4.1. Með sama hætti skal sveitarfélagið gera upp við lífeyrissjóðina alla áfallna vexti og kostnað vegna vanskila á lífeyrishækkunum.
- 2.3 Þrátt fyrir ákvæði töluliðar 4 í tillögum að breytingu á forsendum fyrir uppgjör lífeyrisskuldbindinga (sjá fylgiskjal nr. 2), eru lífeyrisgreiðslur frá 1. janúar 2016 til 31. maí 2017 ekki inni í tölu lífeyrisskuldbindinga til uppgjors heldur koma þær sérstaklega til uppgjors skv. lið 4.1.

3.0 Framtíðarskuldbindingar

- 3.1 Frá og með 1. janúar 2016 mun hjúkrunarheimilið greiða iðgjald umfram lögbundið iðgjald skv. 23. gr. laga nr. 1/1997 og 7. gr. laga nr. 2/1997, með síðari breytingum, til þess að mæta framtíðarskuldbindingum vegna starfsmanna sinna sem aðild eiga að lífeyrissjóðunum. Iðgjaldið skal vera til fullnustu á nýjum skuldbindingum skv. 1. mgr. 33. gr. laga nr. 1/1997 og skv. 1. mgr. 20. gr. laga nr. 2/1997. Með samtímagreiðslum fullnaðarlífeyrisiðgjalda ber hjúkrunarheimilið ekki frekari ábyrgð á lífeyrisskuldbindingum í lífeyrissjóðunum vegna þess tímabils og þeirra starfsmanna sem samtímagreiðslur þessar taka til, sbr. 4. mgr. 33. gr. laga nr. 1/1997 og 4. mgr. 20. gr. laga nr. 2/1997, með síðari breytingum.
- 3.2 Iðgjald umfram hið lögbundna iðgjald skal vera 21% af þeim launaliðum sem iðgjald er reiknað af vegna starfsmanna sem eiga aðild að B-deild LSR og 25% vegna starfsmanna sem eiga aðild að LH. Heildariðgjald til samtímagreiðslu fullnaðarlífeyrisiðgjalda nemur því 33% hjá B-deild LSR og 37% hjá LH. Iðgjald þetta skal gilda til og með 31. desember 2017.
- 3.3 Vegna sameiningar B-deildar LSR og LH mun LSR gefa út nýtt fullnaðariðgjald fyrir sameinaðan sjóð sem tekur gildi frá og með 1. janúar 2018.
- 3.4 Uppgjör fullnaðariðgjalds skv. lið 3.1. og lið 3.2. gagnvart lífeyrissjóðunum skal fara fram eigi síðar en 15. desember 2017 og eftir það í samræmi við launauppgjör hvers tímabils. Fullnaðariðgjöld samkvæmt þessum lið skulu bera 6% ársvexti frá þeim tíma sem þau hefðu átt að koma til gjalda.



4.0 Uppgjör

- 4.1 Uppgjör milli sveitarfélags, hjúkrunarheimilis og lífeyrissjóða á hlutdeild í áföllnum lífeyrisskuldbindingum skv. lið 1.1., viðbótariðgjöldum skv. lið 1.2., lífeyrisgreiðslum skv. lið 2.3., lífeyrishækkunum skv. lið 2.2 og uppgjör á fullnaðariðgjaldi skv. lið 3.4 skal fara fram eigi síðar en 15. desember 2017.
- 4.2 Lífeyrishækkunum sem ríkissjóður yfirtekur og ábyrgist greiðslu á skv. lið 2.1. skal skuldajafnað á móti viðbótariðgjöldum sem ríkissjóður tekur yfir samkvæmt samningi þessum, sbr. lið 1.2. Viðbótariðgjöld sem ekki verður ráðstafað með þessum hætti skal fara með sem fyrirframgreiðslu ríkissjóðs á móti yfirteknum áföllnum lífeyrisskuldbindingum hjúkrunarheimilisins.
- 4.3 Geri ríkið eða eitthvert þeirra sveitarfélaga sem samið hefur um uppgjör lífeyrisskuldbindinga á grundvelli samkomulags frá 28. október 2016, sjá fylgiskjal 5, kröfu um frekari greiðslu af mótaðila samningsins, á grundvelli ákvæðis bókunar með samningi þessum, skal það leiða til endurmats á uppgjóri samnings þessa.

5.0 Gildistaka o.fl.

- 5.1 Samningur þessi er gerður samkvæmt heimild í tölulið 7.6 í 6. gr. fjárlaga ársins 2017.
- 5.2 Ákvæði samnings þessa um yfirtöku ríkissjóðs og ábyrgð á áföllnum lífeyrisskuldbindingum og lífeyrishækkunum hjúkrunarheimilisins skv. lið 1.1. og lið 2.1. öðlast gildi þegar uppgjör skv. lið 4.1. hefur farið fram.

Samkomulag þetta er undirritað í fjórum eintökum og heldur hver samningsaðila sínu eintaki.


Reykjavík, 26. október 2017




F.h. ríkissjóðs Íslands


F.h. sveitarfélags skv. umboði

F.h. Lífeyrissjóðs starfsmanna ríkisins og
Lífeyrissjóðs hjúkrunarfræðinga


F.h. hjúkrunarheimilis sveitarfélags

Fylgiskjöl með samningi þessum:

1. Samkomulag fjármála- og efnahagsráðuneytisins og Sambands íslenskra sveitarfélaga um lífeyrismál, dags. 28. október 2016.
2. Tillaga að breytingu á forsendum fyrir uppgjör lífeyrisskuldbindinga milli ríkis og sveitarfélaga vegna hjúkrunarheimila í rekstri og þeirra sem hætt hafa rekstri, dags. 26. júní 2017.
3. Bókun við samkomulag um skiptingu lífeyrisskuldbindinga vegna hjúkrunarheimila (ó dags.)
4. Tryggingafræðileg úttekt á stöðu lífeyrisskuldbindinga, dags. 28. september og 24. október 2017.
5. Listi yfir sveitarfélög sem gera samning á grundvelli samkomulags frá 28. október 2016.
6. Umboð sveitarstjórnar til undirritunar samnings og til uppgjors.



28.9.2017

Akureyrarbær

Dan Jens Brynjarsson
Geislagötu 9
600 Akureyri

(dan@akureyri.is)

Áfallin lífeyrisskuldbinding hjá Lífeyrissjóði hjúkrunarfræðinga

Akureyri 410169-6229

Talnakönnun hefur reiknað áfallnar skuldbindingar vegna réttinda samkvæmt sérstökum lista sem fylgir þessu bréfi. Réttindi og áfallin skuldbinding miðar við 31. maí 2017.

Listinn er unnin upp úr réttindum í tryggingafræðilegum gögnum í árslok 2016 og eru staða, réttindi og viðmiðunarlaun sýnd miðað við 31/12/2016. Síðan eru breytingar til 31. maí 2017 áætlaðar. Staða lífeyrisþega ákveðin út frá reikningi LSR/LH vegna lífeyrishækkana fyrir maí 2017. Viðmiðunarlaun, önnur en vegna óverðtryggðra réttinda, eru hækkuð samkvæmt vísitölu dagvinnulauna opinberra starfsmanna, úr 499,9 stigum í desember 2016 í 508,7 stig í maí 2017 eða um tæp 1,8%. Réttindainnvinnsla þeirra sem enn greiða til sjóðsins er áætluð út frá iðgjaldgreiðslum janúar til maí 2017.

Allar forsendur útreiknings og niðurstöður sundurliðaðar á einstakling koma fram á meðfylgjandi lista. Þar kemur einnig fram kennitala þess launagreiðanda sjóðfélaga sem réttindin eru skráð á. Þar geta verið kennitölu bæði hjúkrunarheimilis og sveitarfélaga, því að í sumum tilvikum hafa skilgreinar vegna starfs starfsmanna hjúkrunarheimilis verið skráðar á kennitölu sveitarfélags.

Viðkomandi sveitarfélag og eða hjúkrunarheimili hafa yfirfarið listann.

Niðurstaða útreikningsins er að áfallin skuldbinding pr.31. maí 2017 er krónur **437.447.813**

Eign Lífeyrissjóðs hjúkrunarfræðinga í árslok 2016 nam 2,8% af áfallinni skuldbindingu og er áætlað að þetta hlutfall sé óbreytt í lok maí 2017 og er því nettó áfallin skuldbinding krónur **425.199.275**

Hlutur hjúkrunarheimilis eða sveitarfélags er 3% af framngreindri fjárhæð eða kr. **12.755.978**

Tryggingafræðilegar forsendur eru þær sömu og voru notaðar í úttekt á lífeyrissjóðnum í árslok 2016 nema hvað að miðað er við 1,5% vexti í stað 2,0% og lífslíkur eru byggðar á reynslu árána 2007 til 2011 með spá um lækkandi dánartíðni í stað lífslíka sem byggðar voru á reynslu árána 2010 til 2014. Spá um lækkandi dánartíðni er samkvæmt því sem Félag íslenskra tryggingastærðfræðinga birti sem bráðabirgðaniðurstöður á árinu 2015.

Virðingarfyllt,
TALNAKÖNNUN HF.

Vigfús Asgeirsson



24.10.2017

Akureyrarbær

Dan Jens Brynjarsson
Geislagötu 9
600 Akureyri

(dan@akureyri.is)

Áfallin lífeyrisskuldbinding hjá Lífeyrissjóði starfsmanna ríkisins

Akureyri 410169-6229

Talnakönnun hefur reiknað áfallnar skuldbindingar vegna réttinda samkvæmt sérstökum lista sem fylgir þessu bréfi. Réttindi og áfallin skuldbinding miðar við 31. maí 2017.

Listinn er unnin upp úr réttindum í tryggingafræðilegum gögnum í árslok 2016 og eru staða, réttindi og viðmiðunarlaun sýnd miðað við 31/12/2016. Síðan eru breytingar til 31. maí 2017 áætlaðar. Staða lífeyrisþega ákveðin út frá reikningi LSR/LH vegna lífeyrishækkana fyrir maí 2017. Viðmiðunarlaun, önnur en vegna óverðtryggðra réttinda, eru hækkuð samkvæmt vísitölu dagvinnulauna opinberra starfsmanna, úr 499,9 stigum í desember 2016 í 508,7 stig í maí 2017 eða um tæp 1,8%. Réttindainnvinnsla þeirra sem enn greiða til sjóðsins er áætluð út frá iðgjaldgreiðslum janúar til maí 2017.

Allar forsendur útreiknings og niðurstöður sundurliðaðar á einstakling koma fram á meðfylgjandi lista. Þar kemur einnig fram kennitala þess launagreiðanda sjóðfélaga sem réttindin eru skráð á. Þar geta verið kennitölu bæði hjúkrunarheimilis og sveitarfélaga, því að í sumum tilvikum hafa skilagreinar vegna starfs starfsmanna hjúkrunarheimilis verið skráðar á kennitölu sveitarfélags.

Viðkomandi sveitarfélag og eða hjúkrunarheimili hafa yfirfarið listann.

Niðurstaða útreikningsins er að áfallin skuldbinding pr.31. maí 2017 er krónur **86.401.359**

Eign B deildar LSR var engin í árslok 2016 og hefur það ekki breyst.
Nettó áfallin skuldbinding er því **86.401.359**

Hluttur hjúkrunarheimilis eða sveitarfélags er 3% af framngreindri fjárhæð eða kr. **2.592.041**

Tryggingafræðilegar forsendur eru þær sömu og voru notaðar í úttekt á lífeyrissjóðnum í árslok 2016 nema hvað að miðað er við 1,5% vexti í stað 2,0% og lífslíkur eru byggðar á reynslu árunna 2007 til 2011 með spá um lækkandi dánartíðni í stað lífslíka sem byggðar voru á reynslu árunna 2010 til 2014. Spá um lækkandi dánartíðni er samkvæmt því sem Félag íslenskra tryggingastærðfræðinga birti sem bráðabirgðaniðurstöður á árinu 2015.

Virðingarfyllst,
TALNAKÖNNUN HF.


Vigfús Asgeirsson

Bókun við samkomulag um skiptingu lífeyrisskuldbindinga vegna hjúkrunarheimila:

Aðilar að bókun þessari eru sammála um að eftir 5 ár frá staðfestingu samkomulags þessa skuli fara fram sérstök greining á því hvort tryggingfræðilegar forsendur samkomulagsins hafi staðist. Við slíka greiningu skal byggt á þeirri forsendu að launaþróun hjá þeim stofnunum sem samkomulagið tekur til sé í takti við það sem almennt gerist.

Ef í ljós kemur að orðið hafi frávik frá þeim, skal meta áhrif þeirra í fjárhagslegu tilliti og gera ráðstafanir til að jafna þau áhrif sem af frávikunum leiða.

Slíkar ráðstafanir skulu taka til allra þeirra tvíhliða samkomulaga sem gerð eru milli ríkissjóðs og einstakra sveitarfélaga vegna lífeyrisskuldbindinga hjúkrunarheimila og fyllsta samræmis og gagnkvæmni gætt.

Handwritten signatures in blue ink, consisting of three distinct marks: a large, stylized 'M' or 'W' shape at the top, a smaller 'B' or '3' shape in the middle, and a vertical line with a loop at the bottom.

Samkomulag
um tilhögun uppgjors lífeyrisskuldbindinga B-deilda lífeyrissjóða
milli ríkis og sveitarfélaga

Í samræmi við tillögu samstarfsnefndar ríkis og sveitarfélaga (Jónsmessunefnd) frá 29. október 2014, skipaði fjármála- og efnahagsráðherra hinn 11. febrúar 2016, starfshóp, í samráði við Samband íslenskra sveitarfélaga, til að meta ábyrgð lífeyrisskuldbindinga sem myndast hafa í opinberum lífeyrissjóðum vegna samrekstrar ríkis og sveitarfélaga auk annarra viðfangsefna sem kostuð hafa verið af þessum aðilum. Hlutverk starfshópsins var að gera tillögu að heildstæðu uppgjori milli aðila.


Samkomulag þetta kveður á um ábyrgð á áföllnum lífeyrisskuldbindingum, fyrirkomulag greiðslna og samtímagreiðslu fullnaðariðgjalds (mótframlag launagreiðanda) vegna B-deilda lífeyrissjóða sem ríki og sveitarfélög bera ábyrgð á.

Þann 6. september sl. gerðu Sjúkratryggingar Íslands, velferðarráðuneytið og fjármála- og efnahagsráðuneytið annars vegar og Samtök fyrirtækja í velferðarþjónustu og Samband íslenskra sveitarfélaga hins vegar með sér samkomulag um gerð rammasamninga vegna þjónustu og reksturs hjúkrunarheimila. Bókun 3 í samkomulaginu kveður á um „að ríkið yfirtaki lífeyrisskuldbindingar hjúkrunarheimila sem rekin eru á ábyrgð sveitarfélaga með sambærilegum hætti og ríkið hefur yfirtekið skuldbindingar annarra hjúkrunarheimila. Samkomulag um þetta verði gert innan ramma heildarsamkomulags um uppgjör lífeyrisskuldbindinga milli ríkis og sveitarfélaga“.

Á grundvelli ofangreinds eru aðilar sammála um að ljúka uppgjori á lífeyrisskuldbindingum vegna hjúkrunarheimila á daggjöldum og vegna annarrar sameiginlegrar starfsemi ríkis og sveitarfélaga eins og samkomulag þetta kveður á um.

Yfirtaka ríkisins á skuldbindingum hjúkrunarheimila samkvæmt samkomulagi þessu er háð því að hlutaðeigandi hjúkrunarheimili eða eftir atvikum sveitarfélag fyrir hönd hjúkrunarheimilis gangist undir rammasamning Sjúkratrygginga Íslands um þjónustu og rekstur hjúkrunarheimila og að hlutaðeigandi sveitarfélag ábyrgist rekstur þeirrar þjónustu að minnsta kosti til 31. desember 2018. Komi til þess að sveitarfélag eða aðili á þess vegum ákveði að hætta að veita umrædda þjónustu fyrir lok árs 2018 telst það einhliða riftun á samkomulagi þessu. Við það ganga yfirteknar skuldbindingar til baka og skal þá gera upp það sem greitt hefur verið á grundvelli samkomulags þessa.

Samkomulag þetta byggir á því að sveitarfélög sem bera ábyrgð á rekstri hjúkrunarheimila á daggjöldum gangist undir samninga á grundvelli þessa samkomulags, sem og að sveitarfélög sem bera skuldbindingar í B-deild LSR vegna lögbundinnar starfsemi sveitarfélaga ábyrgist þær í sérstöku samkomulagi við ríkið. Samband íslenskra sveitarfélaga mun beita sér fyrir því að samningum við öll sveitarfélög á þeim grundvelli verði lokið fyrir 31. desember 2018 í samræmi við það sem á eftir fer í samkomulagi þessu. Jafnframt er vísað til bókunar með samkomulagi þessu.



Samkomulagið felur ekki í sér lagalegar skuldbindingar aðila heldur er grunnur að sérstökum samningum sem gerðir verða á milli fjármála- og efnahagsráðuneytisins og hlutaðeigandi sveitarfélaga að fenginni heimild Alþingis í fjárlögum og/eða fjárukalögum.

1. Uppgjör skuldbindinga hjúkrunarheimila á daggjöldum

Samkomulagið tekur til hjúkrunarheimila á daggjöldum sem starfa á ábyrgð sveitarfélaga. Sveitarfélög skulu skila fullnægjandi upplýsingum um hjúkrunarheimilin.

Samkomulagið tekur til skuldbindinga hjá eftirtöldum lífeyrissjóðum þar sem B-deildir eru starfræktar.

Lífeyrissjóðs starfsmanna ríkisins (LSR)
Lífeyrissjóðurinn Brú – (LSS)
Lífeyrissjóðs starfsmanna Akureyrarbæjar
Lífeyrissjóðs starfsmanna Kópavogs.

Lífeyrissjóðs hjúkrunarfræðinga (LH)
Eftirlaunasjóðs Reykjanesbæjar
Lífeyrissjóðs starfsmanna Reykjavíkurborgar

Við uppgjör lífeyrisskuldbindinga vegna hjúkrunarheimila á daggjöldum eru samningsaðilar sammála um eftirfarandi:

- a. Ríkissjóður og sveitarfélögin munu frá og með 1. janúar 2016 skipta með sér og taka yfir ábyrgð og greiðslur á áföllnum lífeyrisskuldbindingum hlutaðeigandi hjúkrunarheimila sem fjármögnuð eru með daggjöldum. Skuldbindingum skal skipta hlutfallslega milli samningsaðila. Með hliðsjón af fyrri samningum um skiptingu áþekkra lífeyrisskuldbindinga er samkomulag um að ríkið beri 97% skuldbindingarinnar og sveitarfélögin 3%.
- b. Sveitarfélög skulu gera að fullu upp, gagnvart hlutaðeigandi lífeyrissjóðum, áfallnar lífeyrisskuldbindingar hjúkrunarheimila samkvæmt skiptihlutfalli a-liðar miðað við stöðu þeirra þann 31. desember 2015. Með þessu munu framangreindar skuldbindingar falla út úr efnahagsreikningum hjúkrunarheimila sveitarfélaga eða eftir atvikum efnahagsreikningi sveitarfélaga ekki síðar en 31. desember 2016. Þá skulu sveitarfélög hafa gert upp allar eldri greiðslukröfur hlutaðeigandi lífeyrissjóða vegna hjúkrunarheimila áður en til uppgjors kemur, s.s. vegna iðgjalda eða lífeyrishækkana, séu slíkar kröfur til staðar.
- c. Lífeyrishækkanir á gjalddaga 1. janúar 2016 og síðar verða yfirteknar af ríkissjóði/sveitarsjóði á grundvelli samkomulagsins.
- d. Samhliða undirritun samninga fjármála- og efnahagsráðuneytis og hlutaðeigandi sveitarfélags/hjúkrunarheimils um skiptingu lífeyrisskuldbindinga skulu gerðir sjálfstæðir samningar milli hlutaðeigandi hjúkrunarheimilis og þess/þeirra lífeyrissjóða, sem reknir eru á ábyrgð ríkisins eða sveitarfélaga, um samtímagreiðslu fullnaðariðgjalds (mótframlag launagreiðanda). Iðgjaldið er vegna starfsmanna í starfi 1. janúar 2016 sem greiða iðgjöld til þeirra lífeyrissjóða sem samkomulagið tekur til. Samningar um þetta atriði skulu gilda frá 1. janúar 2016.
- e. Viðbótariðgjöldum launagreiðanda sem greidd hafa verið í B-deildir lífeyrissjóðanna vegna reksturs hjúkrunarheimila á daggjöldum, fram að yfirtökudegi lífeyrisskuldbindinga, verður ráðstafað á móti þeim framtíðar lífeyrishækkunum sem teknar eru yfir af ríkissjóði/sveitarsjóði.
- f. Lífeyrishækkanir á gjalddaga 1. janúar 2016 og síðar og sem greiddar hafa verið ganga upp í samtímagreiðslum fullnaðariðgjalda frá sama tíma.

- g. Aðilar eru sammála um að fyrir 31. desember 2016 verði allri samningsgerð um uppgjör á lífeyrisskuldbindingum hjúkrunarheimila á daggjöldum, og undirritun samninga, milli hlutaðeigandi sveitarfélags og fjármála- og efnahagsráðuneytisins annars vegar og milli hlutaðeigandi sveitarfélags og hlutaðeigandi lífeyrissjóðs lokið.

2. Aðrar lífeyrisskuldbindingar

Meta skal aðrar lífeyrisskuldbindingar sem stofnast hafa vegna samrekstrar ríkis og sveitarfélaga, einkum á sviði heilbrigðismála, félagsmála og menntamála. Samkomulag er um að við mat og útreikning þeirra verði fylgt eftirfarandi viðmiðum:

Aðilar eru sammála um að við skiptingu og uppgjör á lífeyrisskuldbindingum vegna samrekstrar ríkis og sveitarfélaga, annarra en hjúkrunarheimila, verði m.a. horft til fordæma hvað það varðar. Í því felst skoðun á ákvæðum laga, reglna, ákvarðana og samninga sem í gildi voru á hverjum tíma. Þá eru aðilar sammála um að meta skuli hvort stofnast hafi að lögum eða með ákvörðun stjórnvalda lífeyrisskuldbindingar þar sem ábyrgð á þeim kann að vera óskýr, s.s. vegna verkefna reynslusveitarfélaga, málefna fatlaðra eða annarra sameiginlegra verkefna ríkis og sveitarfélaga.


Starfshópi um ábyrgð lífeyrisskuldbindingar ríkis og sveitarfélaga vegna samreksturs o.fl., sem skipaður var hinn 11. febrúar 2016, er falið að greiða úr ágreiningi sem upp kann að koma um gögn sem lögð eru til grundvallar í útreikningum og önnur álitaefni. Endanlegur samningur um uppgjör er í höndum hlutaðeigandi sveitarfélags, fjármála- og efnahagsráðuneytisins og þeirra lífeyrissjóða sem samkomulagið tekur til.

3. Fjárhagslegt uppgjör

Heildaruppgjör milli ríkisins, hlutaðeigandi sveitarfélaga og hlutaðeigandi lífeyrissjóða fer fram þegar skipting lífeyrisskuldbindinga milli ríkis og sveitarfélaga liggur fyrir. Í því efni kemur eftirfarandi til ákvörðunar:

- i. Að hlutdeild sveitarfélaga í áföllnum lífeyrisskuldbindingum hjúkrunarheimila í B-deild LSR og LH í árslok 2015 verði greiddar upp með reiðufé eða skuldabréfi. Ríkissjóður geri upp hlutdeild sína í áföllnum lífeyrisskuldbindingum hjúkrunarheimila með reiðufé, skuldabréfi eða með ábyrgðaryfirlýsingu gagnvart hlutaðeigandi lífeyrissjóði. Til að standa undir framtíðarskuldbindingum vegna starfsmanna sem enn eru í starfi skal greitt viðbótariðgjald til fullnaðaruppgjörs á þeirri skuldbindingu sem myndast.
- ii. Að fram fari fullnaðaruppgjör sem taki til áfallinna og framtíðarskuldbindinga.
- iii. Að fram fari skuldajöfnun lífeyrisskuldbindinga en mögulegur mismunur verði gerður upp með skuldabréfi.
- iv. Að aðrar lífeyrisskuldbindingar en þær sem gagnert tengjast B-deildum lífeyrissjóða komi inn í endanlegt uppgjör milli aðila.


Leita skal staðfestingar hlutaðeigandi lífeyrissjóðs á skiptingu og uppgjöri þeirra skuldbindinga sem samkomulagið tekur til.




Forsenda samkomulags þessa er að samningum við sveitarfélög samkvæmt 2. lið verði lokið eigi síðar en 31. desember 2018. Takist það ekki fellur samkomulag þetta og samningar sem gerðir hafa verið á grundvelli þess úr gildi. Skal þá innan sex mánaða gera upp þær fjárskuldbindingar sem aðilar hafa tekið á sig á frá gildistöku samningsins.

Samkomulag þetta er gert í tveimur samhljóða eintökum.

Reykjavík, 28. október 2016


Fjármála- og efnahagsmálaráðherra


formaður Sambands íslenskra sveitarfélaga,
skv. samþykkt stjórnar frá 28. október 2016

**Bókun með samkomulagi um tilhögun uppgjors
lífeyrisskuldbindinga B-deilda lífeyrissjóða
milli ríkis og sveitarfélaga frá 28. október 2016**

Með nýgerðum rammamningi Sjúkratrygginga Íslands um rekstur og þjónustu hjúkrunarheimila í landinu sem fela í sér talsvert aukin framlög til rekstrar hjúkrunarheimila og þess að ríkissjóður hefur á grundvelli ofangreinds samkomulags og samkomulags við sjálfseignarstofnanir árið 2014 tekið yfir ábyrgð á meginhluta lífeyrisskuldbindinga hjúkrunarheimila á daggjöldum gera fjármála- og efnahagsráðuneytið og Samband íslenskra sveitarfélaga eftirfarandi bókun:

Í samræmi við bókun í samkomulagi um rammamning milli Sjúkratrygginga Íslands (SÍ) og hjúkrunarheimila um þjónustu hjúkrunarheimila hafa fjármála- og efnahagsráðuneytið og Samband íslenskra sveitarfélaga gert samkomulag um tilhögun á uppgjori lífeyrisskuldbindinga hjúkrunarheimila sem rekin eru af sveitarfélögum.

Ljóst er að með samkomulaginu mun ríkissjóður létta verulegum lífeyrisskuldbindingum af hjúkrunarheimilum til að tryggja áframhaldandi rekstrargrundvöll þeirra enn betur þannig að þau geti veitt íbúum hjúkrunarheimila enn markvissari og betri þjónustu en áður.

Með hliðsjón af ofangreindu fellst Samband íslenskra sveitarfélaga á að beita sér fyrir því að sveitarfélög, sem reka hjúkrunarheimili á daggjöldum, skuldbindi sig á sambærilegan hátt og verið hefur til að halda áfram að veita þá mikilvægu þjónustu sem hjúkrunarheimili sinna eftir að gildistíma rammamkomulags samkvæmt samkomulaginu lýkur.

